



ბონდო არველაძე

## „სომხეთის ჩრდილოეთის პარიზშ — ჯავახე, ლორი“

სამშობლო ღმერთზე მეტია,  
სამშობლოზე მეტი — ეკლესია,  
ეკლესიაზე მეტი — ტიგრან დიდია,  
ტიგრან დიდზე მეტი დიდი სომხეთია!  
სილვა კაპუტიკიანი.

ეს სიტყვები რომ წავიკითხე, ერთი ცნობილი სახელმწიფო მოღვაწის ნათქვამი გამახსენდა — „სომხებს აკადმიკოფური ისტორიზმი სჭირო“.<sup>1</sup> ეს შეიძლება ვინმეს გადაჭარბებულად მოეჩვენოს, მაგრამ ძველ სომხურ საისტორიო მწერლობას თუ გადავხედავთ, ამის თქმის საფუძველს ნადგილად იძლება. მართალია, დღემდე დადგენილი არ არის მოვსეს ხორენაცის მოღვაწეობის დრო (V, VII, IX სს.), მაგრამ მის თხზულებაში „სომხეთის ისტორია“ აკადმიკოფური ისტორიზმი სრული სახით არის წარმოდგენილი. ეს ისტორია სომხური კოსმოკრატიზმის კლასიკური მაგალითია: „სომხთა ჰეროობები (იგულისხმება მოვსეს ხორენაცი — ბ. ა.) ირანის ისტორია მოხერხებულად მოარგო მშობლიური სომხეთის წარსულს და აქემენიდთა და სასანიდების სამხედრო გამარჯვებები ჰაიკიდებსა და არშაკუნებს მიაწერა. თხრობა ირანულ სამყაროში გავრცელებული პოლიტიკური თეორიების მიხედვით გააწყო და მწყობრი კონცეფცია შექმნა, რომელიც აზიურ სამყაროს ფრიად მნიშვნელოვან ნაწილზე — „სამყაროს მბრძანებელი“ ჰაოსიანების უფლებებს ასაბუთებს“,<sup>2</sup> — მართებულად წერს გ. ჭეიშვილი.

როგორც ვხედავთ, სხვისი სამხედრო გამარჯვებების და მიწების მიტაცების სენი სომქე ისტორიკოსებს მოვსეს ხორენაცმა შეყარა და ეს დაავადება მათ გონებაზე დღემდე დრმა იარად რჩება. სამწუხაოროდ, ეს სნეულება სომქე ერსაც მოედო და ძვალრბილში ისე დრმად გაუჯდა, რომ მისგან განკურნება მის ძალ-ღონეს აღემატება. თუმცა, ისიც უნდა ითქვას,

<sup>1</sup> გ. ჭეიშვილი, „საზღვრები საზღვრების გარეშე; სომხური კოსმოკრატიზმი ადრე და შუა საუკუნეებში“// კრებ. „სამეცნიერო ჰარადგიმები“, 2003, გვ. 278-279.

რომ მისგან განკურნება არც არასდროს მოსვლია აზრად. პათოლოგიური ისტორიზმი, თვითგანდიდების მანია და სამქაროს მპერობელის იღეფიქსი „ველიკაია არმენიის“ აღდგენის ფუჭი ოცნების საფუძველთა საფუძველია. კიდევ უფრო საგალალოა, რომ თანამედროვე სომხი ისტორიის მისამართის მიწებს ეპოტინებიან. ამის ერთ-ერთი ტაბური ნიმუშია კრებული — „სომხეთის ჩრდილოეთის კარიბჭე — ჯავახქ, ლორი“ (ერევანი, სომხ. ენაზე, 2010, გვ. 576), რომლის რედაქტორია ედუარდ ზოპრაბიანი, სომხეთის მიმდებარე ტერიტორიების ისტორიის კათედრის დოცენტი. თურმე ასეთი კათედრაც ყოფილა ერევანში. ახლა, ვიკითხოთ, რომელია სომხეთის მიმდებარე ტერიტორიები. ეს არის სამცხე-ჯავახეთი, მესხეთი და წალკა. აღარას ვამბობ ყარაბაღზე — მას აზერბაიჯანელი ისტორიკოსები მიხედავენ, ჩვენ ჩვენსას მოუკაროთ. კრებულის სათაურშივე ჯავახეთი სომხურად არის გამოცხადებული. რაც შეეხება ქართულ ლორეს, თუ როგორ მოხვდა იგი საბჭოთა სომხეთის რესპუბლიკის საზღვრებში, ამაზე ქვემოთ.

ახლა მოჰყედოთ კრებულს, რომლის შესავალი ეკუთვნის ედუარდ ზოპრაბიანს, სომხეთის მიმდებარე ქართული ტერიტორიების მითვისების „სპეციალისტს“. იგი შესავალს ასე იწყებს: „ისტორიული სომხეთის, გუგარქის ქვეყნის შემადგენლობაში იყო ჯავახქის მიწა და შეადგენდა მშობლიური სომხეთის განუყოფელ ნაწილს“ (გვ. 4). შემდევ განაგრძობს: „ათასეულობით წლების განმავლობაში სომხი მოსახლეობა და სომხურად მოლაპარაკე ჯავახქი მისი მდიდარი ისტორიულ-კულტურული ძეგლებით, ეკლესიებით, მატურებით, ხაჩქარებით, საღაც არის ჯავახქის სომხების წინაპართა წმინდა საფლავები — ისტორიული გარემოების გამო და ხელოვნურად მოწყვიტეს დედა სამშობლოს, და 1921 წელს მიუერთეს საბჭოთა საქართველოს“ (გვ. 4). ამას აცხადებს ჰაიკარად და იქვე გულაჩურებული წერს: „ქართველი და აზერბაიჯანელი ისტორიკოსები, ხალხთა ინტერნაციონალურ ქოლგას თავშეფარულებულნი, მასიურად სპობენ სომხეთის ისტორიის მრავალრიცხოვან ფურცლებს და ქმნიან საკუთარ ყალბ ისტორიას“ (გვ. 5). ამას კი წერს, მაგრამ ქრთილისოდენი საბუთი არ მოაქვს საკუთარი ე. წ. მოსაზრების დასამტკიცებლად. ვერც მოიტანს, რადგან ჯავახეთი ოდითგან ქართული მიწა იყო. ჯერ კიდევ მაშინ, როცა მოვსეს ხორენაცის ხსნებაც არ იყო, ისტორიის გარიერაჟზე, ჯავახეთის მიწა ქართველი მეფის, მცხეთოსის შვილის საუფლისწულო მამულს წარმოადგენდა. მოვუსმინოთ ლეონტი მროველს: „მცხეთოსმა ჯავახოს მისცა ფანაგრიდან ვიდრე თავამდე მტკვრისა და ამან ჯავახოს აღაშენა ორნი ციხე-ქალაქი: წუნდა და ქალაქი არტანისა, რომელსა მაშინ ერქუა ქაჯთა ქალაქი, ხოლო აწ ჰქვიან ჰური“.<sup>2</sup> ამას წერს სომხოფილად აღი-

<sup>2</sup> ქართლის ცხოვრება, ტექსტი დადგნილია ყველა ძირითადი ხელნაწერის მიხედვით ს. ფაუსტიშვილის მიერ, ტ. I, 1955, გვ. 10.

არებული ქართველი ისტორიკოსი ლეონტი მროველი (XI ს.). ამ ცნობას ყურად არ იღებენ სომხი ისტორიკოსები.

არც ის არის დასამალი, რომ, მართალია, ჯავახეთი ოდითგან ქართველი მიწა იყო, მაგრამ ხანდახან, როცა სომხეთის სამეფო გაძლიერდებოდა ხოლმე, ამ სასაზღვრო რეგიონს იპყრობდა, უფრო ზუსტად, ოკუპაციის ობიექტი ზემო ჯავახეთი ხდებოდა. მაგრამ ეს დროებითი მოვლენა იყო: საქართველო ყოველთვის იბრუნებდა თავის კუთვნილ მიწას. და თუ ანექსიის პერიოდში (მაგ., ტიგრან დიდის დროს, II-I ს. ჩ. აღ-მდე)<sup>3</sup> ჯავახეთში ზოგიერთი ქართველი ტოპონიმი შეიცვალა სომხურით, ეს იმას არ ნიშნავს, რომ ეს მხარე სომხურად მივიჩნიოთ. რის დამტკიცებასაც ასე თავგამოდებით ცდილობენ სომხი მეცნიერები. ეს იმდენად ნათელი ისტორიული ფაქტია, რომ ამაზე სიტყვას აღარ გავაგრძელებთ. თუმცა, შემდეგ მაინც მომიხდება ჯავახეთის ქართულობის მტკიცება, რადგან ამ მხარის მისაკუთრებას პერმანენტულად ცდილობენ კრებულის სხვა სომხი ავტორებიც. მათგან აგრესიულობით გამოირჩევა პროფ. აშოტ მელქონიანი, რომელიც სომხეთის ისტორიის ინსტიტუტის დირექტორია. მკითხველმა წარმოიდგინოს, როგორ „ობიექტურ“ მეცნიერულ კვლევას წევიან ამ ინსტიტუტის რიგითი თანამშრომლები, რომელთაც ასეთი ქართველომოძულე, დაშნაკი ხელმძღვანელი ჰყავთ. კრებულში მისი შრომები და სტატიები რაოდენობრივად კველაზე მეტადაა წარმოდგენილი. ერთი სიტყვით, აშოტ მელქონიანი ცნობილი „ჯავახოლოგია“. მან დაამკიდრა ტერმინი — სომხეთის ჩრდილოეთის კარიბჭე — ჯავახე — ლორიც.

ახლა კონკრეტულად გადავხედოთ აშოტ მელქონიანის ზოგიერთ ნაშრომს ჯავახეთის შესახებ. მათგან კველაზე ტიპურია — „ჯავახქ“<sup>4</sup>. ავტორი ისტორიულ-გეოგრაფიული თვალსაზრისით ე. წ. დიდ სომხეთს დასაწყისშივე ტენდენციურად მიმოიხილავს და ვითარებას ისე წარმოადგენს, თითქოს საქართველო ოდითგან „დიდი სომხეთის“ ორგანული ნაწილი იყო. ანგარიშს არ უწევს ქართველ, უცხოურ და სომხურ წყაროებსაც კი, და გუგარქს ძირძველ სომხურ მიწად თვლის. თუმცა იქვე შენიშნავს — გუგარქი ქართულია და ეს ტოპონიმი მოდის აქ მცხოვრები გოგარენების თუ გოგარების სახელიდანო, მაგრამ იქვე კატეგორიულად აცხადებს — ასეთ ეთნოსს სომხური წყაროები არ იცნობენო და აკად. ს. ერემიანს იმოწმებს.<sup>4</sup>

ბარემ აქვე აღვნიშნავ — აკ. შანიძის აზრით, გუგარქი ეთნიკურ-გეოგრაფიული ტოპონიმია, მასში ჭანურ-მეგრული წარმომავლობის სუფიქსი

<sup>3</sup> მაგრამ ისიც უნდა აღნიშნოს, რომ ძვ. წ. აღ-ით III ს-ში იძერიას სამეფო უფრო ძლიერი იყო, ვიდრე სომხეთის. — იხ. C. Goumani ff, Studie in christian Caucasian History, 1963, გვ. 449, 452; აგრეთვე — „სომხი ხალხის ისტორია“, ტ. I, 1978, გვ. 513 (სომხ. ენაზე).

<sup>4</sup> სომხეთი „შხარაცხიაციის“ მიხედვით, ერკანი, 1963, გვ. 46 (სომხ. ენაზე).

— არ — გამოიყოფა და — გოგელებს ან გუგელებს ნიშნავს.<sup>5</sup>

პროფ. ს. კაკაბაძეს — გოგელებ — სატომო სახელად მიაჩნდა და მას უკავშირუბდა გაგის სახელს.<sup>6</sup> ვფიქრობ, ველაზე დამაჯერებელი და მისაღებია აკად. გ. მელიქიშვილის მოსაზრება; იგი გოგარენს ასე განმარტავს

— „ოგ“-ში შეიძლება დავინახოთ სკეიფური სახელი: VIII ს-ის მეორე ნახევარში სამხრეთ რუსეთის ველებიდან და ჩრდილოეთ კავკასიიდან რამდენჯერმე შემოიჭრნენ სკეიფები და კიმერიელები ამიერკავკასიასა და მცირე აზიაში. ისინი, როგორც სხვა ქვეყნებში, ამიერკავკასიაშიც დასახლდნენ. ამიტომ ზოგიერთ ოლქს შემორჩა მათი სახელი. მაგ., თრიალეთი დაკავშირებულია კიმერიელთა ტომის — თურის — სახელთან, გოგარენი — გოგების, ხოლო მის მეზობლად მდებარე საკაშენი — საკუბის სახელთან.<sup>7</sup>

განიხილავს რა ანტიკურ წყაროებში გოგარენის შესახებ ცნობებს, ლ. ჯანაშია დასკვნის: „როგორც ანტიკური წყაროებიდან ირკვევა, სტრაბონისეული გოგარენი მოიცავდა ქვემო ქართლის უკიდურეს სამხრეთ ნაწილს და, საფიქრებელია, მის სამხრეთით მდებარე ქვეყანას. როგორც ჩანს, შემდგომ პერიოდში ხდება გოგარენის სახელწოდების ნელი გადაადგილება უფრო ჩრდილოეთისაკენ“<sup>8</sup>.

სომხურ წყაროებში გოგარენი|გუგარენი პირველად მოხსენიებულია აგათანგელოსთან, შემდევ მას იხსენიებენ ფავსტუს ბუზანდუცი, ეღიშე, ფარპეცი, კორიუნი, ხორენაცი, უხტანესი და სხვ. ეს ცნობები სპეციალურად კრიტიკულად აქვს განხილული არმენოლოგ ლ. ჯანაშიას. ვინაიდან ამ ცნობების ლ. ჯანაშიასეული მეცნიერული ანალიზი ობიექტური და საფუძვლიანია, ამიტომ დასკვნაც მიუკრძოებელია და სანდო. მას ცოტა ვრცლად დავიმოწმებთ: „უძველეს პერიოდში ქართლისაგან სომხეთის მიერ მიტაცებული გოგარენე წარმოადგენდა ქართლის ყველაზე უფრო სამხრეთ თემს, რომელიც უფრო სამხრეთით მდებარეობდა, ვიდრე ეს ჩვეულებრივად მიაჩნიათ. შესაძლოა, რომ გოგარენე თანამედროვე საქართველოს საზღვრებსაც კი არ სცილდებოდა... როგორც ჩანს, მხოლოდ შემდგომში, ახ. წ. აღ. II-III სს-ში, ახერხებს სომხეთი კიდევ უფრო ჩრდილოეთით წაწევას. ახლად მიერთებული მიწები, ბუნებრივია, გუგარენის საპიტიახში შედიოდნენ. IV ს-ის 60-იან წლებში გუგარენის პიტიახში ახერხებს, თავი დააღწიოს სომხეთის სამეფოს და თავის სამთლობელოთი ქართლში შედის... ამდენად, სომქთა წარმოდგენაში გუგარენი თანდათან მკვიდრდება როგორც ქვემო ქართლის ზოგადი სახელი. ამის ილუსტრაციას წარმოადგენს VII ს. ანონიმი გეოგრაფის, უხტანესის და პოპანეს დრასხანაკერტ-შანიძე A., და ჩანო-მინგრელских суффикса в грузинском и армянских языках, ЗВОРАО, ტ. XXIII, 1916, გვ. 369.

<sup>6</sup> ს. კაკაბაძე, ქართველი სახელმწიფო ბრიტანიული გენეზისის საკითხები, 1927, გვ. 10.

<sup>7</sup> Г. Меликишвили, К истории древней Грузии, тд., გვ. 223-224.

<sup>8</sup> ლ. ჯანაშია, ისტორიულ-წყაროთმცოდნებითი ნარკვევაბი, თბ., 1986, გვ. 70.

ცის ცნობები გუგარქზე. დაბოლოს, თანდათან ეს ტრადიციაც იკარგება და XIII ს-ის სპეციალურ გეოგრაფიულ თხზულებაშიც კი გუგარქი შაქად არის მოხსენიებული“.<sup>9</sup>

როგორც ვხედავთ, გოგარქე//გუგარქი ღლითგანვე იყო ქართული მიწა და მისი მკვიდრნი ქართული ეთნოსის წარმომადგენლები იყვნენ. თუმცა, მოგვიანებით, ჩანს, სომხური ელემენტებიც შეერივნენ. რაც შექება გოგარქნს, გუგარქის ისტორიულ-გეოგრაფიას და შესაბამისად ტოპონიმიკას, აქაც აშოტ მელქონიანი ვითარებას თავდაყირა წარმოადგენს. მას მიაჩნია, და სამწუხაობო არა მარტო მას, რომ გუგარქის ტოპონიმი თავიდან სომხური იყო, და შემდგე გაქართულდა, რისთვისაც აკად. ს. ერემიანს იმოწმებს.<sup>10</sup>

როგორც აღვნიშნეთ, სომხეთთან მიმდებარე ქართული მიწები — ლორე-ტაშირი, სამცხე-ჯავახეთი, გოგარქე//გუგარქი და ა. შ. გარკვეულ პერიოდში დაპყრობილი ჰქონდა სომხეთს. მაგრამ ეს არ ნიშნავს, რომ ეს ტერიტორიები ძველთაგანვე სომხებს ეკუთვნოდა, რადგან ეს იყო ძირძველი ქართული მიწები, თავისი მკვიდრი ქართული მოსახლეობით. ამ ისტორიულ სიმართლეს ვერ გვუძიან სომხი ისტორიკოსები და მის მრუდე სარკეში წარმოადგენას ცდილობენ. კვემო ქართლი, გოგარქე//გუგარქი აღნიშნულ ტერიტორიას ყოველთვის არ მოიცავდა, მაგრამ ძირითადად მაინც აღნიშნული სახლვრებით იყო წარმოადგენილი, რომელთა კანტონების ქართული სახელწოდებები სომხურად იყო თარგმნილი. ამის შესახებ დავიმოწმებთ აკად. დ. მუსხელიშვილს: „ფრიად ნიშანდობლივია, ამასთან დაკავშირებით ისეთი ფაქტი, რომ გუგარქის და ტაიქის შემადგენელი კანტონების სახელწოდებები სომხური „ფორით“ არის გაფორმებული, რომელიც ქართული „ხევის“ შესატყვისად იხმარება. საკუთრივ სომხური პროვინციების კანტონები კი როგორც წესი — „ძორ“ ტერმინით არის გაფორმებული“. შემდგე დამოწმებული აქვს პროფ. თ. ჰაკობიანის წიგნი — „სომხეთის ისტორიული გეოგრაფია“, 1960, ერვანი, გვ. 260-261, სომხ. ენაზე“.<sup>11</sup>

აკად. დ. მუსხელიშვილს სომხი მეცნიერის აღნიშნულ ნაშრომშე დაყრდნობით შემდგე დასკვნა გამოაქვს: „ეს უნდა მოწმობდეს, რომ ამ ისტორიულ-გეოგრაფიულ ერთეულთა ქართული ნომენკლატურა პირველადი არის, რადგან ვიცით (გოგარქე//გუგარქი, ტაი//ტაიქ) ძირძველი ქართული პროვინციები იყო“.<sup>12</sup>

სიტყვს აღარ გავაგრძელებ და ვიტყვი — აშოტ მელქონიანის მოსაზრება, თითქოს აღნიშნული პროვინციების კანტონთა ტოპონიმი სომხური იყო, მეცნიერულ სიმართლეს არის მოკლებული.

<sup>9</sup> ლ. ჯანაშია, ისტორიულ-წაროთმცოდნებითი ნარკვევები, 1968, გვ. 90-91.

<sup>10</sup> სომხეთ „შახარაცუიცა“ მახდევით, ერუბანი, 1963, გვ. 46 (სომხ. ენაზე).

<sup>11</sup> ლ. მუსხელიშვილი, საქართველოს ისტორიული გეოგრაფიის ძირითადი საკითხები, 1960, გვ. 51.

<sup>12</sup> იქვე, 51.

პირველსაუე სიტყვაზე მოვიდეთ და მივხედოთ ჯავახეთს. აშოტ მელქონიანის, ისე როგორც სხვა სომქე მეცნიერებს, ურარტუს მეფე არგიშტ I-ის წარწერაში (785-784 ჩ. წაღ-მდე) მოხსენიებული ზაბახა მიაჩინა ჯავახების აღრინდელ ფორმად, ე.ი. სომხურ ტოპონიმად და დამოწმებული აქვს ჰ. ყარაგიოზიანის ნაშრომი.<sup>13</sup>

აკად. ს. ერემიანის აზრით, რამდენადაც არგიშტ I-ის წარწერაში ზაბახა დაპყრობილ ქვეყნად მოიხსენიება, ამდენად ეს თითქოს იმას ნიშნავს, რომ ძვ. წ.აღ-ით VIII ს-ში სომქი ხალხის ეთნოსი უკვე ჩამოიყალიბებული იყო და სომხური სამეფო არსებობდა.<sup>14</sup> მაგრამ რატომ არ შეიძლებოდა, რომ ზაბახას მოსახლეობა როგორც ტომი, ისე დაეპყრო არგიშტ I-ს. ასე რომ, ეს არგუმენტი არ გამოდგება იმის სამტკიცებლად, რომ ამ დროს (VIII ს. ძვ. წ.აღ-ით) სომხეთის სამეფო უკვე არსებობდა. ესეც არ იყოს, საიდან ან ვინ დაამტკიცა, რომ ზაბახას მკვიდრნი სომხები იყენებნ? მართალია, აშოტ მელქონიანი აქ მოხსენიებულ — დიაუხი||დია (ტაიქ), დარიონ, ბასენ და სხვა მხარეებს სომხურ ქვეყნებად მიიჩნევს, მაგრამ გაურკვეველია — რის საფუძველზე.

სინამდვილეში, „დიაუხ“ (დაიაუნიე) ქვეყნის მოსახლეობის ქართული წარმომავლობის სამტკიცებლად მნიშვნელოვან გარემოებას წარმოადგენს სომხთა ქართული დასახელება — „სომქი“, რომელიც მიღებულია დაიყენის (დიაუხის) უშუალო სამხრეთით მდებარე ქვეყნის სახელისაგან — „სუხმი“||, სოხმე“-ს მეტათუშისის — „სოხმე“ — „სომქი“-ს მიღების გზით<sup>15</sup>.

აშოტ მელქონიანის „აღმოჩენათა“ შორის ერთ-ერთი ის არის, რომ თურმე „ახალქალაქის“ სახელწოდებაში ბოლო სიტყვა — „ქალაქი“ — არა მხოლოდ ქართულში, არამედ სომხურშიც გვხვდება. იგი კიდევ უფრო რომ გავახარო, ვეტყვი, არც სიტყვა ახალი არის ქართული და შემოსულია აღმოსავლეურიდან და დამკვიდრებულია ქართულში. მაგრამ მისდა სამწუხაროდ, ამით ახალქალაქის სომხურობა არ მტკიცდება. არქეოლოგიური გათხრების შედეგად ნაპოვნი მასალები მოწმობენ, ამ მიდამოებში უძველესი დროიდან უცხოვრიათ ადამიანებს. IX-X საუკუნიდან აქ არ-

<sup>13</sup> სომხეთის მთანეთის ეპიგრაფიული წაროვები, ტ. I, წიგნი I, ერკანი, 1998, გვ. 94, 132, 195, 203-204 (სომხ. ენაზე).

<sup>14</sup> ურარტუს სამეფო, რუკები; სომქი ხალხის ისტორია ტ. I, ერკანი, 1971, გვ. 91 (სომხ. ენაზე).

<sup>15</sup> გორგი ქავთარაძე, „ტაოხთა უძველესი ქვეყნა და ქართული სახელმწიფოებრივობის საწყისები“|| ილაის სახელმწიფო უნივერსიტეტის შრომება, 2005, ტ. V გვ. 25, 30; ამავე ნაშრომში გ. ქავთარაძეს დამოწმებული აქვს მ. წერული, რომელიც ტერმინ — „სომქი“ აიგვებს სახელწოდება „კუმუხთან“, იმის გათვალისწინებით, რომ ქართველები დღესაც ცოტა უპატიოდ უწოდებენ „სომქ“ — „კომქს“. მ. წერულის აზრით, ეს მოხდა ქართული ფონეტიკისთვის დამახასიათებელი ს-სა და კ-ს ურთიერთობაცვლების შედეგად. იგი, აგრეთვე მიიჩნევს ქართულ ენაში სომხთა აღმნიშვნელ უძველეს ფორმად დაკავშირებულს მესხების სამხრეთით მოსახლე „კუმუხთა“ (იგივე კამბანუკომთა) ქვეყანასთან, რომელსაც კომაგენე წოდა (გვ. 30).

სებულა სოფელი, რომელიც ხელსაყრელი გეოგრაფიული მდებარეობის გამო ქალაქად გადაიქცა. ახალქალაქი X ს-დან (ჯავხეთთან ერთად) ტრადიციულად საუფლისწულო მაჟული იყო. მეფე ბაგრატ III-მ XI ს-ში მისთვის დაიწყო კედლის შემოვლება, რომელიც ბაგრატ IV-მ დაასრულა. მისი მოსახლეობა ოდითგან ქართული იყო, როგორც ამას საისტორიო წყაროები ადასტურებენ.

აშოტ მელქონიანის ფანტაზია უსაზღვროა. იგი აცხადებს, რომ თურმე სომხი მეფის თრდატის წყალობით, ქართველთა მეფე მირიანს და ქართველ ხალხს 320-იან წლებში მიუღიათ ქრისტიანობა. ქართველ ხალხში ქრისტიანობა პირველ საუკუნეში მოციქულმა ანდრია პირველწოდებულმა გაავრცელა, ხოლო წმ. ნინოს მოღვაწეობის შედეგად — მირიან მეფის დროს (IV ს-ის დასაწყისი) ქრისტიანობა ოფიციალურ რელიგიად იქნა აღიარებული ქართლში. ასე რომ, სომხეთის მეფე თრდატი არაფერ შუაშია და მისი დამსახურება ქართველთა გაქრისტიანებაში შხოლოდ აშოტ მელქონიანის ფანტაზიაა.

აშოტ მელქონიანმა ამავე ნაშრომში საქართველოსა და სომხეთს შორის სასაზღვრო გამიჯვნის საკითხიც განიხილა, კი განიხილა, მაგრამ ლორესა და ახალქალაქის სადაო მაზრების ისტორია ტენდენციურად წარმოადგინა. პირველ ყოვლისა, უნდა აღინიშნოს ის, რომ იგი შევნებულად არასწორად ხმარობს ტერმინს — „თურქი მესხები“, ასეთი ეთნოკური ერთული მესხეთში არ არსებობდა. ეს არის საქართველოსადმი აგრესიულად განწყობილი ზოგიერთი მაპმადიანი მეცნიერის მიერ ხელოვნურად ნახმარი სახლწოდება. მესხეთში იყვნენ არა თურქი მესხები, არამედ გამაპმადიანებული მესხები, რომელიც იოსებ სტალინმა 1944 წელს გაასახლა შუა აზიაში.<sup>16</sup> ეს კი უნდა იცოდეს ახალქალაქელმა მეცნიერმა აშოტ მელქონიანმა.

ახლა მოხედოთ ლორეს და ახალქალაქის მაზრების საკითხს. მათ შესახებ ცოტა კრცლად ვიტყვი, რადგან სომხეთი დღემდე ვერ შეგუებია ჯავხეთის საქართველოს საზღვრებში ყოფნას. სომხეთმა რვა საუკუნის წინ დაკარგული სახელმწიფოებრიობა 1918 წელს დაიბრუნა და თავისი საგარეო პოლიტიკის ძირითად მიმართულებად „დიდი სომხეთის“ აღდგენა დაისახა. სომხეთის დაშნაკური მთავრობა ყველა იმ ტერიტორიას ითხოვდა, სადაც ოდესაც სომხებს ერთხელ მაინც გავლო და წყალი დაელია. დაშნაკებმა სასწრაფოდ გამოაცხვეს სომხეთის ისტორიული და სახელმწიფო რუკები და 1919 წელს პარიზის საზავო კონფერენციას წარუდგინეს. ამ რუკებზე — „როგორც სომხეთში შემავალი ტერიტორიები, აღნიშნული იყო — თბილისი, ბორჩალოს, ახალციხისა და ახალქალაქის მაზრები. აგრეთვე — მცხეთა, გორი, ბათუმი და ბათუმის ოლქი. მოსახლეობის ეთნიკური პრინციპის მიხედვით, სომხეთი მოითხოვდა, მაშასაღამე, საქართველოს უძველეს დედაქალაქს — მცხეთას, საქართველოს დედაქალაქს — თმერაბ ბერიძე, „მაპმადიანი მესხების ფესვები და დღვანდელობა“, თბ., 2009, გვ. 87-198.

თბილისს, საქართველოს მუდმივა და განუყოფელ ნაწილს — ბორჩალოს და მთელ მესხეთ-ჯავახეთს“.<sup>17</sup>

დაშნაკთა ეს გაზრდილი მადა არავინ დააკმაყოფილა, მაგრამ მათ გული არ გაიტეხეს და ოისი მიღებაც მოლაპარაკების გზით ვერ შეძლეს, მისი მიღება იარაღის ძალით სცადეს. 1919 წ. დეკემბრის დასწევისში, ომის გამოუცხადებლად, საქართველოს თავს დაესხა დაშნაკთა ჯარი და პირველ დღეებში გარკვეულ წარმატებასაც მიაღწია. მაგრამ ქართულ არმიას სათ-აუეში ჩაუდგა გენერალი კვინიკაძე, მთელ ფრონტზე ძლიერი შეტევა განახორციელა და სწრაფად წავიდა წინ. საქმეში ინგლისი რომ არ ჩარეცდის, ალბათ, ერევანსაც აიღებდა. ამის აღიარება სომქე ისტორიკოსებს და მათ შორის აშოტ მელქონიანსაც არ სურს, მაგრამ ფაქტი ასეთია.

აშოტ მელქონიანი თვითის სტატიის 32-გვერდზე წერს: ახალქალაქის სომხობა შეეცადა, გადაწყვიტა ძირითადი საკითხი და 1918 წლის 21 იანვარს ახალქალაქის სამაზრო კომიტეტმა ახალქალაქის მაზრის ალექსანდრაპოლის გუბერნიასთან მიერთება გამოაცხადა. ამ აქტს იგი აფასებს როგორც ამ მხარის სომხეთთან მიერთების უპრეცედენტო ნაბიჯს. სინამდვილეში კი ეს იყო საქართველოს მიმართ ჩადგინდილი ღალატი, უფრო სწორად, ზურგში დანის ჩაცემა. იგი ასეც იქნა შეფასებული საქართველოს დემოკრატიული რესპუბლიკის მთავრობის მიერ. მან მესხეთ-ჯავახეთის გენერალ-გუბერნატორს შალვა მალინაველიძეს დაავალა აღეკვეთა ეს უკანონობა. იგი თავის ჯარით სასწრაფოდ მივიდა ახალქალაქში, მოიწვია სამაზრო კომიტეტის სხდომა და კომიტეტში მოკალათებული დაშნაკების მიერ გამოტანილი ეს მოღალატური და სეპარატისტული დადგენილება გააუქმა.

შემდეგ სომხეთ-საქართველოს შორის საგანგებო შეთანხმება გაფორმდა. შეთანხმების თანახმად, სადაც ბორჩალოს მაზრა, ლორეს ტერიტორია ხეიტრალურ ზონად გამოცხადდა. მის ჩრდილოეთ ნაწილში უნდა ყოფილიყო ქართული ჯარის ნაწილები, ხოლო სამხრეთ ზონაში — სომხეთის. აღსანიშნავია, რომ ამ ხელშეკრულებას ლორეს ადგილობრივი მოსახლეობა უკანონოდ მიიჩნევდა და საქართველოსთან შეერთებას ცდილობდა. საქართველოს რესპუბლიკის დამფუძნებელი კრების სახელზე 1919 წელს ლორეს მოსახლეობას ასეთი შინაარსის მიმართვა გაუგზავნია: „უსსოფარი დროიდან მართლმორწმუნე ქრისტიანული ტაძრები, ძეგლები, სასაფლაონი, რომლებიც ჩვენშია, აქამდე უკრძალადა დაცული, უეჭვოდ ამტკიცებს, რომ ლორეს სამუსლიმანო რაიონი მუდამ განუყოფელი ნაწილი იყო საქართველოსი და ამ რაიონის მოსახლენი ბურჯად ედგნენ საქართველოს საზღვრებს სიმტკიცისათვის. საქართველოს მთავრობა ლორეს რაიონს რატომდაც, ვითომდა სადაც ტერიტორიად თვლის საქართველოს და სომხეთს შორის, რაც ძლიერ დამღუპველ მდგომარეობაში გვაყენებს.

<sup>17</sup> ვიქტორ ნოზაძე, სასაზღვრო საკითხი კვეკასიაში//ქ. „ისტორიული მემკვიდრეობა“, 2011, №10, გვ. 7.

ჩენ ტფილისთან ვართ დაკავშირებული ეკონომიურად, პოლიტიკურად, სულიერად და ყოველმხრივ. ამიტომ მისგან ჩამოშორება არ შევიძლიან. ვთხოვთ საქართველოს მთავრობას ცოველგვარი ზომები მიიღოს ჩენს დაუყოვნებლივ საქართველოს ტერიტორიასთან მისაერთებლად<sup>18</sup>. მიმართვას ხელს აწერს ლორეს რაიონის ექვსი სოფლის მცხოვრებნი.

საქართველოს დემოკრატიული რესპუბლიკის მთავრობამ ანგარიში არ გაუწია აღნიშნულ მიმართვას და ზუსტად ასრულებდა შეთანხმებას. მაგრამ სომხეთის დაშნაკური მთავრობის თხოვნით, 1920 წელს ლორეს ოლქი მთლიანად დაიკავა საქართველოს ჯარმა.

სომხეთის გასაბჭოების შემდეგ სომხეთის ბოლშევიკურმა ხელისუფლებამ საქართველოს მეშვეოიკურ მთავრობას ლორეს დატოვება მოსთხოვა, მაგრამ დასაბუთებული პასუხი გაეცა. 1921 წელს, როცა საქართველოში წითელი არმია შემოვიდა, სომხეთის ბოლშევიკურმა მთავრობამ ამ ძნელბეობით ისარგებლა და ლორეს ფარული ინკორპორაცია მოახდინა. ამრიგად, სომხეთის ბოლშევიკურმა მთავრობამ ლორეს ოლქი მიითვისა.

ვინაიდან აზერბაიჯანის, სომხეთის და საქართველოს საზღვრების გამიჯვნის საკითხი რთულად იდგა, ამიტომ 1921 წლის 2 მაისს რკპ(ბ) ცენტრალური კომიტეტის კავბიურომ საგანგებო კომისია შექმნა, რომლის პირველი სხდომა 25-27 ივნისს, თბილისში გაიმართა. სიტყვით გამოსულა სომხეთის წარმომადგენელი ალ. ბექზადიანი. ეს გამოსვლა ჩაუწერია ვინწე მურადიანს. მის ჩანაწერში ვკითხულობ: „სომხეთის მდგომარეობა განსაკუთრებით მძიმედ უნდა მივიჩნიოთ, რადგან მან თავის ტერიტორიის თითქმის ნახევარი დაკარგა ეკონომიური რესურსებით. ამს. ბექზადიანს უაღრესად საჭიროდ მიაჩნია, რომ მეზობელ აზერბაიჯანსა და საქართველოს რესპუბლიკებს ჩამოჰქმას ტერიტორიები სომხეთის სასარგებლოდ. როცა მოსკოვში ამს. მიასწიკოვა და ბეკნაზარიანმა ამს. სტალინი ინახულეს, ამ უკანასკნელმა ეს თვალსაზრისი სავსებით გაიზიარა.“<sup>19</sup>

ყოველთვის ზემოთქმულის საფუძველზე, სომხეთის დელეგაცია სოთხოვს ამს. ქართველებს, თაორებს, რათა გაითვალისწინონ სომხეთის განსაკუთრებული მდგომარეობა და საერთო სოლიდარობის გულისფარის, ერთხელ და სამუდამოდ, უაღრესად გულწრფელი, მეგობრული ურთიერთდამკიდებულების დამყარების მიზნით დაგვთანხმდნენ განსაზღვრული ტერიტორიების დათმობას“<sup>19</sup>.

სომხეთი ბოლშევიკები მარტო ლორეს ოლქის მითვისებით არ კმაყოფილდებოდნენ. მათ უნდოდათ საქართველოს ჩამოჭროდა და სომხეთს გადასცემოდა ახალქალაქის მაზრა (ფაქტობრივად, ჯავახეთი) და ბორჩალოს ნაწილი. სომხეთი ბოლშევიკების ამ უსაფუძვლო მოთხოვნის გამო შეთანხ-

<sup>18</sup> ჯაბა სამუშაო, „როგორც გადასცა სტალინმა ლორე სომხებს“//ქ. „ისტორიანი“, 2011, ტ. VI. გვ. 14-48.

<sup>19</sup> იქვე, გვ. 17.

მება ვერ მოხერხდა. ეს საკითხი განსახილებული გადაეცა კავბიუროს. კავბიურომ კი, იოსებ სტალინის მონაწილეობით, 1921 წლის 7 ივნისის დადგენილებით ე. წ. ნეიტრალური ზონა — ლორეს ოლქი — საბჭოთა სომხეთის რესპუბლიკას გადასცა.

ქართველი ბოლშევიკების მოთხოვნით, ახალქალაქის და წალკის რაიონების საკითხი განსახილებული გადაეცა საქართველოს ცენტრალურ კომიტეტს, რომლის დასკვნის საფუძველზე დადგენილება უნდა დაემტკიცებინა კავბიუროს. 1921 წლის 7 ივნისის დადგენილებით ლორეს ოლქზე საქართველოს პრეტენზია საბოლოოდ გაუქმდა. ახლა ლორე კი არა, ხრამის და ახალქალაქის ქართული მიწები იყო შესანარჩუნებელი.

ამრიგად, კომუნისტური პარტიის ამიერკავკასიისა (კავბიურო) და საქართველოს კომუნისტური პარტიის ბიუროს დადგენილებით, სომხეთს გადაეცა ბორჩალოს მაზრის სამხრეთ ნაწილი, ე. წ. ლორეს რაიონი — 2367 კვ-ტ ფართობი. მოვაიანებით, 1925 წელს სომხეთს გადაეცა ბორჩალოს მაზრის კიდევ ერთი ნაწილი — 207,94 კვ-ტ ფართობი. მოლიანად საქართველოს კომუნისტური პარტიის ცენტრალური კომიტეტის დადგენილებით — 1921-1925 წლებში სომხეთს დაუტმეს 2575,38 კვ-ტ ქართული მიწა.

აშოტ მელქონიანი სტატიაში „ჯავახქ ძველ და შუა საუკუნეებში“ (გვ. 39-51) ცდილობს „დაამტკიცოს“ ჯერ ჯავახეთის მიწის „სომხურობა“, შემდეგ ჩამოთვლის 40 სოფლის სახელწოდებებს, სადაც თურმე „სომხური ან სომხებში ფართოდ გავრცელებული სომხური სახელების მქონე პირები ცხოვრობდნენ XVI ს-ში“. იოლი არ არის ეკამათო ყოველივე ქართულისადმი სიძულვილით გამსჭვალულ ადამიანს, მით უმეტეს თუ მას მეცნიერობის პრეტენზია აქვს. საოცარია, ისე როგორ დააბრმავა შურმა და ზიზღმა, რომ ამ 40 სოფლის მცხოვრებთა საქართველოში ფართოდ გავრცელებული სახელები სომხურად მოელანდა, თუ განგებ სომხურად მოინდომა მათი გასაღება, ესენია — ზაქარია, სიმონი, როსტომი, გრიგოლი, რევაზი, გაბრიელი და სხვ. სინამდვილეში მან ამ სოფლებში მცხოვრებთა სომხური სახელები ამოკრიბა და თან ქართულიც შიაყოლა. ამით მას უნდოდა, ისეთი წარმოდგენა შეექმნა, რომ თითქოს XVI ს-ში იქ მარტო სომხები ცხოვრობდნენ. ამ სიცრუეს გამოსააშკარავებლად საკმარისია, მივმართოთ პირველ წეაროს — „გურჯისტანის გალაიეთის დიდ დავთარს“,<sup>20</sup> სადაც ობიექტური მკვლევარი ნახავს, რომ ჯავახეთის მცხოვრებთა სახელების 90% XVI ს-ში ქართულია.

აშოტ მელქონიანი აქ არ ჩერდება და განავრმობს: „შემდგომ საუკუნეებში, ოსმალთა ხანგრძლივი და მძიმე ბატონობის პერიოდში ამ მხარის (ე. ი. ჯავახეთის — ბ. ა.) მცხოვრებთაგან გაუმაპმადიანებელი არავინ დარჩა. ისლამი მიიღო, აგრეთვე, სომქთა იმ ნაწილმა, რომელნიც ქართ-<sup>20</sup> თურქელიდან ქართულად თარგმნა, შესავალი და კომენტარები დაურთო აკად. ს. ჯიქამ, წიგნი III, 1958 წ.

ველთა მმართველობის (ჯავახეთში – ბ. ა.) პერიოდში ქალკედონიტები გახდნენ. ისლამიზაციის ამ ხანაში (XVII-XVIII სს.), ახალი ისლამი ადგენსა და შედარებით ნაკლებად ახალქალაქში მცხოვრებლებს, თურქებმა მთლიანად უწოდეს გეოგრაფიული სახელწოდება – „მესხები“ (გვ. 50)“. იქვე, 32 სქოლიოში შენიშნავს: „ქართველი ისტორიკოსები და თანამედროვე პოლიტიკური მოღვაწები ამ ტერმინში („მესხები“) ეთნიკურ აზრს დებენ და ცდილობენ მესხები ნამდვილ ქართველებად წარმოადგინონ“ (ხაზგასმა ჩემია – ბ. ა.). მელქონიანი პირველი არ არის, ვინაც მესხების ქართველობა ეჭვის ქვეშ დააყენა. ამ მხრივ მან მხარი „დაუშვენა“ თურქ მეცნიერს – იუნის ზეირიქს.<sup>21</sup> თურქი მეცნიერის რა მოგახსენოთ, მაგრამ ისტორიკოსმა მელქონიანმა, თუ მას ადამიანური და მეცნიერული პატიოსნების ნატამალი გააჩნია, უნდა იცოდეს, რომ მესხები უძველესი ქართველები არიან. ამას მოწმობს ასურულ-ლურსმულ წყაროებში დაფიქსირებული – „მუშების“, ქართული – „მესხების“ და ბერძნულ-რომაული ტექსტების – „მოსხების“ და აგრეთვე ბიბლიის – „მოსოხ-მეშქ“-ის შორის არა მარტო უკველი მკვიდრი კავშირი, არამედ მათი საერთო ეთნოგენეზისი“.<sup>22</sup> საყურადღებოა ისიც, რომ ძოხობ-ძეშხი ნოეს სამ გაუთაგან ერთ-ერთის, იათეტის შთამო-მაფალი იყო.<sup>23</sup> მესხების ჭეშმარიტი ქართველობის შესახებ კიდვე შეიძლება სხვა მეცნიერთა ნამრობების დამოწმება, მაგრამ მოტანილიც ნათლად ადასტურებს მესხების ეროვნულ ვინაობას და მასში ეჭვის შეტანა მხოლოდ მელქონიანის და ზეირიქის მსგავს გაიმეცნიერებს შეუძლია.

აშოტ მელქონიანმა თავისი ჭკუით მესხების ქართველობა ხომ სა-დაუღილ აქცია, მაგრამ ამას არ დასკერდა და სომქთა „გაქართველებაში“ ქართველებს დასდო ბრალი. ამის შესახებ წერს: „ადგილობრივმა ქართულმა მმართველობამ (იგულისხმება მენშევიკური მმართველობა – ბ. ა.) ახალქალაქის ჩრდილოეთის და აღმოსავლეთ შხარეში საქმაო რაოდენობის სომქ მცხოვრებლებს წაართვა საკუთარი მიწები, გამოდევნა და მისცა ქართველებს. ხელყვეს ახალციხის წმ. გრიგოლ განმანათლებლის ეკლესიის კუთხნილი სოფლების საყარგულები. აქ დაიწყო ქართულმა ეროვნულმა მთავრობამ ეროვნული ასიმილაცია“ (გვ. 87). ამავე გვერდზე, 33-ე სქოლიოში კი შენიშნავს: „მართალია, აღმოჩნდა ზოგიერთი სომხური ოჯახი, რომელიც დათანხმდა გვარის შეცვლას, მაგრამ სომქ-კათოლიკურა უმეტესობა ქართული მთავრობის ამ შოვინისტური მოთხოვნის წინააღმდეგ წავიდა და კატეკორიულად უარყო სომხური გვარის შეცვლა ქართულით“. შეძლებ განაგრძობს: „მენშევიკური მთავრობის ეს შოვინისტური პოლიტიკა შეუმჩნეველი არ დარჩენია სომხეთის დაშნაკურ მთავრობას და

<sup>21</sup> Yunus Zeyrek, Ahiska bölgesi ve Ahiska Türkuri, Ankara, 2001.

<sup>22</sup> გრიგოლ გიორგაძე, „მუშქია“, „მუშქი“ და „დაიენი“, „დაიანი“, ასურულ-ლურსმულ ტექსტებში//კრებ. „მესხეთი“, 2000 წ.

<sup>23</sup> 6. ხაზარაძე, ბაბლა და მესხების ძველი ისტორია//კრებ. „მესხეთი“, 2000 წ.

შეეცადა ეს პროცესი შეეჩერებინა. ამიტომ დააყენა სასახლვრო გამიჯვნის საკითხი. სომხით სახელმწიფო მოღვაწენი უსამართლოდ მიიჩნევდნენ, ახალქალაქის მაზრა (ე. ი. ჯავახეთი — ბ. ა.) საქართველოს საზღვრებში რომ იყო მოქცეული“ (გვ. 87).

ამასთან დაკავშირებით დაშნაკების ერთ-ერთი ლიდერი რუბენ ტერ-მინასიანი წერდა: „საქართველო უსამართლოდ მოექცა სომხეთს. უსამართლობა იყო ის, რომ სომხებით დასახლებული ახალქალაქის ოლქი, რომელიც გეოგრაფიულად და ეთნოგრაფიულად ეკუთვნოდა სომხეთს, მოწყვიტა და შეიერთა“ (გვ. 87).

სომხეთის მიერ უძველესი ქართული მიწის, ჯავახეთის მიმართ ყოველმხრივ უსაფუძვლო და გაუთავებელ პრეტენზიას ცოტა ვრცლად შეეხებით. ჯერ კიდევ 1913 წელს სომხებმა ბორჩალოს და ახალქალაქის მაზრების თბილისის გუბერნიიდან გამოყოფა და გიუმრთან შეერთება მოითხოვეს, გიუმრის (ალექსანდრაპოლის) გუბერნიის შექმნის მიზნით.<sup>24</sup> ამ დროს მეფის ნაცვალი კავკასიაში იყო, როგორც ივ. ჯავახიშვილი ამბობს, სომებთა მწყალობელი გრაფი ვორონცოვ-დაშკოვი. მისი მესაიდუმლე და უურმოჭრილი ერთგული მსახური იყო დაშნაკთა ერთ-ერთი ლიდერის — ალ. ხატისოვის მამა — ივანე. ამ პერიოდში, მეოცე საუკუნის 10-იან წლებში, სომებთა ცხოვრების სადაცე დაშნაკებს ეჭირათ ხელში. ვორონცოვ-დაშკოვის ბრძანებით და, რა თქმა უნდა, ხატისოვის „რჩევით“, შეიქმნა საგანგებო კომისია, რომელშიც 6 სომები და 2 ქართველი შედიოდა. ეს საკითხი 1913 წლის 6 ნოემბრის და 18 დეკემბრის სხდომებზე განიხილეს და დაასკვნეს, რომ ბორჩალოს და ახალქალაქის მაზრების გამოყოფა და სომხეთთან შეერთება გეოგრაფიული და ეკონომიკური თვალსაზრისით მიზანშეწონილი არ იყო. ეს დასკვნა საგუბერნიო საბჭომ 1914 წლის 24 იანვარს უყოფმანოდ დაამტკიცა.

შემდეგ წლებში მოვლენები ასე განვითარდა: 1918 წელს დაშნაკებმა სომხეთის ისტორიული და სახელმწიფოებრივი რუკები დაბეჭდეს. ივ. ჯავახიშვილმა ამ რუკებს „ფანტასტიკური რუკები“ უწოდა, რადგან მათზე ე. წ. დიდი სომხეთი „გადაჭიმული იყო შავი ზღვიდან კასპიის ზღვამდე და სამსუნის ოდნავ აღმოსავლეთით შავ ზღვამდე მდებარე ადგილთაგან ხმელთაშუა ზღვაზე აღწევდა და სელევეკიის ჩრდილოეთით მდებარე ქ. არდევილის ოდნავ ჩრდილოეთით მიმავალი ხაზით სრულიად სომხეთის საზღვარი კასპიის ზღვასთან არ მთავრდება: ბათუმი, ახალციხე, თვით მცხეთა და ტფილისიც კი ამ რუკაზე სომხეთშია მოქცეული და საქართველოს პატარა, ვიწრო ზოლიდა აქვს მიკუთვნებული“.<sup>25</sup>

<sup>24</sup> ეს თეორიული გადანაწილება მოხდა ქართველი ფედერალისტების და სომხურ დაშნაკურ პარტიებს შორის, რომელიც ეთნიკურ პრინციპის ექვდნობოდა. ამის წინააღმდეგი იყო ცნობილი ქართველი მწერალი მიხეილ ჯავახიშვილი. ამიტომ დატოვა ფედერალისტები და ცოტა მოგვიანებით შევიდა ეროვნულ-დემოკრატების პარტიაში.

<sup>25</sup> ბონდო არველაძე, „როცა უდაფუ სადაცო ზდება“, თბ., 2006, გვ. 92-93.

ამ ზღაპრული რუკების მიხედვით წარმოდგენილი „დიდი სომხეთი“ არასდროს არსებულა და შესაბამისად, არც 1918 წ. სტამბოლის მსოფლიო კონფერენციაზე არ დაუჭირა მხარი არცერთმა სახელმწიფომ დაშნაკთა ამ გეგმას, რომლის მიხედვითაც დაშნაგები „დიდი სომხეთის“ აღდგენას ითხოვდნენ. აღარას ვამბობთ თურქეთის წარმომადგენელზე, რომელმაც კონფერენციის მონაწილეებს იოლად დაუმტკიცა სომხეთის ამ ისტორიული და პოლიტიკური რუკების არარეალურობა, როგორც წარსულის, ისე აწყვოს თვალსაზრისით. აღნიშნული მოწმობს, რომ სომხების პრეტეზია ქართული მიწების მიმართ არ ახალია და ისინი პერიოდულად ცდილობენ მათ მითვისებას, თანაც არც თუ სანაქებო ხერხებით. ერთ-ერთ ამგვარ გამოხდომას ჰქონდა ადგილი 1925 წელს, როცა სომქი ბოლშევიკები ჯავახეთისთვის ავტონომიის მინიჭების მოთხოვნით გამოვიდნენ. ამ მოთხოვნას კატეგორიულად წინ აღუდგა ოფ. ჯავახიშვილი და ვრცელი მოსსენება გაუგზავნა საბჭოთა მთავრობას, რომელშიც მეცნიერულად დაასაბუთა, რომ ჯავახეთი გეოგრაფიულად, ისტორიულად და ეკონომიკურად ყოველთვის საქართველოს ეკუთვნოდა.<sup>26</sup>

დაშნაკთა აღნიშნული მოთხოვნა ჯავახეთის მიმართ დღესაც გრძელდება. მათი ტიპური წარმომადგენელია აშორ მელქონიანი თავისი შრომებით ამ კუთხის შესახებ.

ვინმე მ. ღარიბიანს ეკუთვნის სტატია „დასავლეთის სომხების გადმოსახლება 1829-1830 წწ. სომხურ მაზრასა და მის მიმდებარე ტერიტორიაზე“ (გვ. 212-223). წერილში არც ახალი არაფერია ნათქვამი და არც რაიმე უცნობი საარქეო მასალაა წარმოდგენილი, მაგრამ საყურადღებოა იმით, რომ სტატიის სათაურშივე ჯავახეთი სომხურ მაზრად არის გატანილი, რაც არასდროს არ ყოფილა. ეს რომ ერთი კონკრეტული შემთხვევა ყოფილიყო, მასზე კურადღებას არ გავამახვილებდით, მაგრამ ეს ტიპური მოვლენაა სომხურ ისტორიოგრაფიაში. სომქ საზოგადოებას ამ გზით უჭედავენ თავში აზრს, რომ ჯავახეთი იყო და არის სომხური მიწა, რომელიც სომხეთს უნდა დაუბრუნდეს.

მეფე ნიკოლოზ I-ის ბრძანებით, 1829-1830 წლებში შემოსახლებულ სომქთა გარკვეული ნაწილი ახალციხესა და მის გარშემო მდებარე ტერიტორიაზე უნდა დაესახლებინათ, „სადაც ის საიმედო ძალა იქნებოდა რუსეთის ახალი საზღვრების დასაცავად“.<sup>27</sup> ეს ამონარიდი კიდევ ერთხელ ამტკიცებს იმ ფაქტს, რომ მეფის მთავრობა სამცხე-ჯავახეთის გამაპმადიანებული ქართული მოსახლეობისაგან განსხვავებით, რომელიც გაქრისტიანების შიშით მშობლიური მიწა-წყლიდან აიყარა და თურქეთის სიღრმეში გადასახლდა, სომხებს კავკასიაში ყველაზე საიმედო დასაყრდენ ძალად თვლიდა.

<sup>26</sup> „ფ. ჯავახიშვილის არქივიდან“ // გაზ. „ლიტერატურული საქართველო“, 1988, №43.

<sup>27</sup> Центральный государственный военно-исторический архив, Ф. Вил, д. 1019, б. 4-5.

საინტერესოა დაშნაკური პარტიის ერთ-ერთი თვალსაჩინო მოლგაწის ა. აპარონიანის სტატია, რომელიც პირველად დაბეჭდილა გაზ. „პაიერენიქი“-ს (სამშობლო) 1933 წლის მარტის ნომერში. მისი სათაურია — „სომხეთი, საქართველო და დასავლეთი“ (გვ. 335-354). მასში ამ ქვეყნების ორიენტაციის საკითხია დასმული. ავტორს შედარებითი ხერხის გამოყენებით მიმოხილული აქვს სომხეთის და საქართველოს ისტორია. მიუთითებს რა საქართველოს სწრაფვაზე დასავლეთისკენ, დასკვნის სახით იგი წერს: „...და დღესაც გრძელდება ძეველი, ძალიან ძველი ზღაპარი. საქართველომ თავისი იმედი დაუკავშირა თურქებს და ბრძოლა გამოუცხადა რუსეთს. სომხეთმა თავისი იმედი რუსეთზე დაამდარა და ჩაეხა შეუპოვარ ბრძოლაში ყოველგვარი თავისუფლების მტრის, ოხერი თურქების წინააღმდეგ.“

ამ ორში — რომელია სწორი?

ბოლოს და ბოლოს როდის გადაწყდება ეს საუკუნოვანი და სიმპათიური, მაგრამ ანტაგონისტური საკითხი, რომელიც იმდენად მწვავეა, რომ პოლიტიკურად ყოფს ამ ორ ახლობელ ხალხს.

როდემდე, როდემდე!.. არ ვიცი“.

როგორც აღვნიშნეთ, ეს სტატია გამოქვეყნდა 1933 წელს საზღვარგარეთ სომხური დაშნაკური გაზეთის ფურცლებზე. ამ დროს საქართველოცა და სომხეთიც უკვე გასაბჭოებული იყო. ამიტომ აპარონიანს მხედველობაში, ალბათ, XX საუკუნის 10-იანი წლები აქვს. მაგრამ ამ წლებში საქართველოს თურქეთთან მოკავშირეობაზე ლაპარაკიც კი ზედმეტი იყო, რაღან თურქებმა ისარგებლეს ამ პერიოდში (1918-1920) ახლად შექმნილი დამოუკიდებელი საქართველოს დემოკრატიული რესპუბლიკის სისუსტით და ჯარით შემოიდნენ სამცხე-ჯავახეთში. ეს მხარე ოკუპანტებისაგან ქართული ეროვნული ჯარის სიმამაცემ ისხსნა. ასე რომ, საქართველო ამ დროს თურქეთის იმედით ვერ იქნებოდა, პირიქით — ებრძოდა მას. რაც შექება რუსეთთან ბრძოლას, ამასაც მცდარ ინტერპრეტაციას აძლევს. 1918-1919 წლებში საქართველო კი არ ებრძოდა რუსეთს, პირიქით — მისგან თავს იცავდა. რუსეთის ბურუუაზიული დროებითი მთავრობა არ ცნობდა საქართველოს დამოუკიდებლობას და ამიტომ დენიკინის დავიზიები ცდილობდნენ, შემოჭრილიყვნენ საქართველოში და დაემხოთ მენშევიკური მთავრობა. ამ დროს რუსეთის დროებით მთავრობასთან სომხეთის დაშნაკური ხელისუფლება საქართველოს საწინააღმდეგოდ შექმატებილებული იყო.

3. გედამიანცის სტატიაში „წერილი ახალციხიდან“ (გვ. 359-375.) (გადმობეჭდილია გაზ. „ფორმ“ (ცდა), №1, 1876), მოტანილია შემდეგი მონაცემები: 1866 წელს ახალციხეში 110 სომქი გრიგორიანი ოჯახი ყოფილა, ხოლო 40-50 — კათოლიკური, 200 — ქართული და ებრაული ოჯახი (გვ. 361). როგორც ვხედავთ, სომხების რიცხვი არც XIX საუკუნეში ყოფილა დიდი, როგორც ამის წარმოჩენა ამოტ მელქონიანს და მის მსგავს მკვლევრებს სურთ

ამავე აფტორს მოაქვს სომექი ისტორიკოსის ღევონ ალიშანის აზრი ახალციხის უწიმოლოგიის შესახებ, რომლის მიხედვით ახალციხეს მესხეთა ქალაქს უწოდებდნენ, ხოლო სიტყვა სამცხე მოდის ახალციხიდან. გედამეანცი ამ აზრს მართებულად არ ეთანხმება და შენიშნავს: სამცხე ნიშნავს – სამციხეს. თამარ დელოფლის დროს აშენდა ახალციხეო. ამ დროს იყო აზხორის (აზღარდ) და ხრდვიზის ციხეები და აქედან მიღებულია – ორციხე (ორი ციხე), გვ. 361.

თუ სამცხეში – სამი ციხე იგულისხმება, მაშინ „ორი ციხე“ რას ნიშნავს, ეს გაუგებარია. მაგრამ აյ უფრო საყურადღებოა ქართული ტოპონიმი ჟერთვისი. ეს ციხე-სიმაგრე წარმოდგენილია სომხურ ხევში მდგომ ციტადელად – ჰარტიზაც ძორ, ე. ი. „დიდი სომხეთის“ ტერიტორიად, რაც არასდროს ყოფილა. აზხორ||ახღარდ (ე. ი. ქართულად აწყური) კი სომხურ ტოპონიმად არის მიჩნეული. ამ ტოპონიმების ქართულობის მტკიცებას აქ არ შევუდგები, რადგან ობიექტური მეცნიერისათვის ეს ისედაც ცხადია.<sup>28</sup>

პროფ. კ. ღაფადარიანის სტატია „მასალები ახალციხის სომხური დიასპონის ისტორიისათვის“ (გვ. 376-387) შედარებით აკადემიურობითა და დამწერებული ისტორიული წყაროების სიუხვით გამოირჩევა. მაგრამ აფტორს ბოლომდე არ ყოფნის ობიექტურობა და ზოგიერთ წყაროს ტენდენციურად განიხილავს. იგი ცდილობს, დაამტკიცოს, რომ თითქოს სომხები ახალციხეში ძეველთაგანვე ცხოვრობდნენ, მაგრამ ამის დამაღასტურებელი ცნობები ვერ მოაქვს. კ. ღაფადარიანი აღნიშნავს: „ახალციხეში უძველესი სომხების რაოდენობის შესახებ ცნობები არ გვაქვს, მაგრამ ვიცით, რომ ჯერ კიდევ 1829 წლამდე ისინი ბევრნი იყვნენ და ცხოვრობდნენ, რაბათის (ქალაქის ძველი უბანი) და ქალაქის ახლომახლო მდებარე რამდენიმე სოფელში და ჯავახეთში. ჯავახეთი კი ამ დროს ახალციხის ოლქის ერთ-ერთი შემადგენელი ნაწილი იყო“ (გვ. 378).

კველა-ყველა, მაგრამ ასეთ დაუსაბუთებელ და ტენდენციურ მოსაზრებას ნამდვილად არ ვეღლოდი ისეთი აკადემიური და სოლიდური მეცნიერისაგან, როგორიც იყო პროფ. კ. ღაფადარიანი. ჯერ მას ახალციხეში უძველეს დროში სომქთა ეთნიკური ელემენტების არსებობა უნდა დაემტკიცებინა სათანადო წყაროების მითითებით და მათი რაოდენობის გარკვევაზე მერე უნდა ეზრუნა. სომექი მეცნიერის განცხადება – „ახალციხეში ძეველი სომხების რაოდენობის შესახებ ცნობები არ გვაქვს, მაგრამ ვიცით, რომ ბევრნი იყვნენ ჯერ კიდევ 1829 წლამდე“ (გვ. 376), ე. ი. სომხების არზრუმიდან აქ შემოსახლებამდე და თითქოს ახალციხე და ეს შხარე თავიდანვე სომხური იყო, რასაც აშოტ მელქონიანისნაირი მეცნიერები თავგამოდებით „ამტკიცებენ“, – ყალბია.

პროფ. კ. ღაფადარიანი შაინც განაგრძობს ოდითგან სომქთა კვალის

<sup>28</sup> იხ. ბონდო არველაძე, „ვერ არ არის თაყაო...“ // ჟ. „ჩვენი მწერლობა“, 2011, №10, გვ. 28-33.

„ძიებას“ ახალციხეში. ახლა ცდილობს „მრავალრიცხოვანი“ სომხების არსებობა დამტკიცოს შუა საუკუნეებში. იგი წერს: „შუა საუკუნეებში არაერთგზის შეივსო ახალციხის სომქი მოსახლეობა ლტოლვილთა დიდი და მცირე ნაკადით. ერთ-ერთი ასეთი შევსება მოხდა XIV ს-ში, როცა სომხების ერთმა ნაკადმა მიაშურა ასტრახანს, შემდეგ იქიდან წამოიდა და დასახლდა ქალაქ გორში და მის მიმდებარე სოფლებში. შემდეგ მათი ნაწილი გადასახლდა ახალციხეში. ახალციხის ძველი ქალაქის ჩრდილოეთ კუთხეში არის შუა საუკუნეების ერთი სომხური ეკლესია. მასზე არსებულ წარწერაში მოხსენიებულია გორელ სომქთა სახელები. ამ პატარა სომხურ ეკლესიას ახლა ეწოდება სირვიქილისა. მასზე შემორჩენილია სომხურ წარწერათა ფრაგმენტები. წარწერათა ეს ნარჩენები სხვადასხვა დროს არის შესრულებული, უვიცი ხელით“ (გვ. 378).

სამწუხაროდ, ამ სომხური წარწერის ადგილზე ნახვა და შემოწმება არ მომიხერხდა. მაგრამ ამ წარწერების მიხედვით სომქთა დიდი რაოდენობით არსებობა ახალციხეში მაინც არ მტკიცდება, როგორც ამას პროფ. კ. ღაფადარიანი ფიქრობს.

პროფ. კ. ღაფადარიანი წერს: „1828-1829 წლებში რუსეთ-ოურქეთის ომის დროს სომქთა საგრძნობი ნაწილი თურქებმა გაუდილტეს. თურქებს ეშინოდათ, რომ სომხები რუსის ჯარს ბრძოლაში დაქმარებოდნენ. ამიტომ, როცა თურქებმა არდაგნიდან უკან დაიხიეს, გზადაგზა სომხებს ხოცავდნენ“ (გვ. 379).

როგორც ირკვევა, თურქების შიში, რომ სომხები რუსის ჯარს დაქმარებოდნენ, უსაფუძვლო არ აღმოჩნდა. მართლაც, აღგილობრივი სომხები რუსის ჯარის ნაწილებს სისტემატურად აწვდიდნენ ინფორმაციას თურქების ჯარის ნაწილების ყოველი გადაადგილების შესახებ. მათ მეგზურად უდგებოდნენ<sup>29</sup> და ა. შ. ამის შესახებ სომქი აეტორი, რასაკვირველია, არაფერს ამბობს, მაგრამ შედეგს კი აღნიშნავს: „ანდრიანაპოლის ზავის შემდეგ (1829), როცა რუსის ჯარმა დატოვა ქალაქი კარინი, ყარსი, ბაიაზეთი და დაუბრუნა თურქებს, ამ ქალაქის და მის გარშემო მცხოვრებ სომხებს შეეშინდათ თურქი მტარვალების და მოინდომეს გადასახლება და დამკვიდრება რუსეთის იმპერიაში“ (გვ. 378).

როგორც ირკვევა, ისარგებლა მომენტით და კარინის სომხური ეპარქიის წინამდღვარმა, არქიეპისკოპოსმა კარაპეტ ბაგრატუნმა შეაგროვა კარინის წარჩინებული პირების — ვართაპეტების, მაპტექების და ერესფონანების ხელმოწერები (29 პიროვნება) და აღგილობრივი სომხების სახელით თხოვნა გაუგზავნა რუსეთის მთავრობას. ხელმომწერი სომხები რუსეთის მთავრობას რუსეთის იმპერიის საზღვრებში, კერძოდ, ახალციხესა და მის მიმდებარე სოფლებში, დასახლებას სთხოვდნენ. გადასახლების შსურველთა რიცხვი თავდაპირველად დაახლოებით ათას ოჯახამდე ყოფილა. მა-

<sup>29</sup> შ. ლომსაძე, მესხები, თბ., 1995, გვ. 167.

გრამ თურქეთში დარჩენა იმდენად საშიში გამხდარა, რომ წამომსვლელთა რიცხვი სწრაფად გაზრდილა.<sup>30</sup>

პროფ. კ. ღაფალარიანს შემდეგ მონაცემები, რომელი სომხური სოფლიდან რამდენი ოჯახი გადმოსახლდა ჯავახეთში და თურქეთში გაქცეულ ქართველთა ნასახლარებზე დაფუძნდა... ამ საქმის ინიციატორის, არქიეპისკოპოს კარაპეტ ბაგრატუნის მიერ მეფის ნაცვლის გენერალ პასკევიჩისადმი გაგზავნილ თხოვნაში, ყველაზე საინტერესოა შემდეგი პირობები: 1. შემოსახლებული სომხების სოფლებში სხვა ეროვნების ხალხს არ უნდა ეცხოვონ. 2. შემოსახლებულ სომხებს უნდა პქონოდათ თავიანთი ეროვნული სასამართლო, რომელშიც საქმის წარმოება სომხურ ენაზე უნდა ყოფილიყო. 3. შემოსახლებული სომხები დროებით ყოველგვარი გადასახადისაგან უნდა განთავისუფლებულიყვნენ (გვ. 380).

მეფის მთავრობამ ამ მოთხოვნებიდან ერთი ნამდვილად შეუსრულა და ისინი რამდენიმე წლით გაათავისუფლა გადასახადებისაგან. ფულადი დახმარებაც დაურიგდათ — 25 მანეთი ოჯახზე. როგორც აღვნიშნეთ, ცარიზმი სომხებს ერთგულ და საიმედო ხალხად თვლიდა, არამარტო ჯავახეთში, არამედ მთელ კავკასიაში (ასეა დღესაც). ამიტომ ყოველნაირ დახმარებას უწევდა არქიეპისკოპოსს კარაპეტ ბაგრატუნს (ერზიკანცი), რათა ჯავახეთის ძირძღველ ქართულ მიწაზე შემოსახლებული სომხები მყარად დაემკიდრებინა.<sup>31</sup>

ვიდრე სომქი ისტორიკოსის, სამველ კარაპეტიანის სტატიის განხილვაზე გადავალ, მსურს მოკლედ შევქო მის ზოგიერთ მეცნიერულ ნაშრომს. მან 1995 წელს გამოაქვეყნა რუკა-ცნობარი — „სომხური ეკლესიები საქართველოში“ (ერვანი, სომხურ ენაზე). სომხური ეკლესიების არსებობა საქართველოში, ცნობილი ისტორიული გარემოების გამო, მოულოდნელი<sup>30</sup> დ. მელიქშეთ-ბეგი, „ქალაქ ქარინიდნ გადმოსახლები მსურველთა თხოვნა გენერალ პასკევიჩისადმი — 1829 წ. (ორიგინალი)“//სსრ კუმინის მეცნიერებათა აკადემიის სომხეთის ფილიალის „მოამბე“, 1940, №3, გვ. 37-40 (სომხურ ენაზე).

<sup>31</sup> ვინაიდნობთ, საინტერესო იქნება არქიეპისკოპოს კარაპეტ ბაგრატუნის (1779-1856) ბიოგრაფიის შესახებ ორიოდე სიტყვა ითქვას. მისი ნამდვილი გვარია ერზინქ-ოლლი, პაპამისი ამ გვარს ატარებდა. ვინაიდნ სპერი ქართველი ბაგრატიონების პირვანდელი სამკვიდრო იყო, ამიტომ გვარად აიღო ბაგრატუნი, იგი სპერის სომხურ ეპარქიას წინამძღვრობდა. მისი ინიციატივით და ენერგიული საორგანიზაციო მოღვაწეობის შემდეგ სომხები შემოსახლენ ჯავახეთში. სპერის ახალ მოსახლეთა პირველ ნაკადს თვითონ წამოუძღვა და როცა ჯავახეთის ქართულ მიწაზე ფეხი დაადგა, ეპისკოპოსის ჯოხი მიწას დაკრა და დაბახა — „შვილები! სომხური მიწიდან, შმიბლიურ სომხურ მიწაზე მოვედითო“. მან უდიდესი საორგანიზაციო მუშაობა ჩატარა შემოსახლებულ სომქთა ჯავახეთში დამკვიდრებისათვის. საკუთარ ფულსაც არ ზოგჯდა და შემოსახლებულ სომხებს ქმარებოდა, რომ მკვიდრად მოეკიდათ ფეხი ჯავახეთის ქართულ მიწაზე. მეფის მთავრობაც ხელს უწყობდა და გულეხვად ქმარებოდა. ეს დაუფასეს ჯავახეთის სომხებმა და დღეს კარაპეტ ერზინქ-ოლლის ძეგლი დგას ახალქალაქემი.

მომავალ წლებში არქიეპისკოპოსი კარაპეტ ერზინქ-ოლლი ეჯიმიაწინმა საქართველოს სომხური ეპარქიის წინამძღვრად გაამწესა და გარდაცვალებამდე ამ თანამდებობაზე იყო (1837-1856 წწ.).

არ არის, მაგრამ ს. კარაპეტიანმა მათი რიცხვი გრანდიოზულად გახსარდა და ისე წარმოადგინა რუკა-ცნობარში. მან 653 სომხური ეკლესია „აღმოაჩინა“ საქართველოში. აქედან, ოთხმოც პროცენტზე მეტი ქართული ეკლესიებისა გატანილია სომხურად.<sup>32</sup> ამასთანავე, მან 2000 წელს გამოსცა წიგნი „საქართველოს სახელმწიფო პოლიტიკა და სომხური კულტურის ძეგლები“, რომელშიც აზერბაიჯანელ ხალხთან ერთად ქართველ ერს ცვილიზაციის დამანგრეველი ხალხი უწოდა. ე. ი. ბარბაროსებად გამოგიყვანა. აუგად მოიხსენია საქართველოს კათალიკოს-პატრიარქი ილია II, და სხვა უხამსობები იკადრა. მას საკადრისი პასუხი გავეციო.<sup>33</sup>

ს. კარაპეტიანი არ ისვენებს, აღნიშნულ კრებულში არის მისი სტატია „სომხეთში სომქ-ქალკედონიტების საკულტო ძეგლები და ქართველი ახლადგამოცხვარი „მოთხოვნები“ (პრეტენზიები)“, (გვ. 417-423).

ამჯერად ცოტა შორიდან დავიწყებ. 451 წ. ბიზანტიის იმპერატორმა მარკიანებ კონსტანტინეპოლიში მოიწვია შოთვლით საეკლესიო კრება. მასში მონაწილეობა არ მიუღია სომხეთის ეკლესის წარმომადგენლებს. ამ კრებამ დაადგინა ქრისტეს ორბუნებიანობა და აღიარა დიოფიზიტობა. ამავე დროს დაგმო და ერტიკოსებად გამოაცხადა მონოფიზიტები — ისინი, ვინც ქრისტეში მარტო ღმრთებრივ ბუნებას ხედავდა. სომხებმა მონოფიზიტობა აღიარეს და ამ გზას დაადგნენ. მაგრამ სომქთა კათალიკოსმა ქრისტიანი (630-641) დიოფიზიტობა მიიღო და კათალიკოს ჰოგჰანეს ოძუნეცამდე (717) მთელი ოთხმოცდახუთი წელი სომხები დიოფიზიტები იყვნენ. 726 წლის მანასეკერტის საეკლესიო კრებაზე სომხურმა სამღვდელოებამ უარყო დიოფიზიტობა და დაუბრუნდა მონოფიზიტობას. ამდენად, ფაქტია, სომხეთი 630-717 წლებში ქალკედონური სარწმუნოების აღმსარებელი იყო. ამ ისტორიულ ფაქტს ს. კარაპეტიანიც ვერ უარყოფს. იგი წერს, სომხეთში ქალკედონიზმის არსებობის პერიოდში (630-717) აშენდა სომხური ხუროთმოძღვრების ოქროსდარი ძეგლები, როგორიც არის — ბაგავანის წმ. ჰოგჰანესის ტაძარი (631-639), მრენის (639-640), ზვართნოცის წმ. გიორგის ტაძარი (600-იან წლებში), თალინის კათოლიკე დიღმაშენის წმ. თადეოსის ტაძარი, აკორის წმ. იაკორის (661-667) და სხვა დიდებული ტაძარი და ეკლესია (გვ. 419).

მართლაც, ეს საკულტო ძეგლები ქალკედონური ხუროთმოძღვრების საუკეთესო ნიმუშებია.

ს. კარაპეტიანი სომხეთში ქალკედონიზმის გავრცელების ისტორიულ პირობებს მოკლედ მიმოიხილავს და აღნიშნავს, არაპეტიანი სომხეთში სამასწლიანი ბატონობის პერიოდში „დასავლეთ ბიზანტიის ჩრდილოეთ ნაწილში

<sup>32</sup> ამის შესახებ იხ.: ბონდო არველაძე, „სომხური“ თუ ქართული ეკლესიები საქართველოში?!.. 1996 (ქართ. ინგ. რუს. ენგბზე).

<sup>33</sup> „რა უთქმებს, რა მოუჩახავს, რა წიგნი დაუწერა“ //შრომების კრებული — „ქვანი ქვლავ დადადებებს“, 2004, გვ. 108-131.

ქრისტეს ერთი ბუნების აღმსარებელი (მონოფიზიტური) მოსახლეობა, სახელმწიფო პოლიტიკის გატარების შედეგად, საქართველოს შეგავსად დიოციზიტური (ორი ბუნების აღმსარებელი) გახდა. სომხეთმა მიიღო დიოციზიტური სარწმუნოება. X ს-ში სომხეთში უკვე იყო ქალკედონიტ მცხოვრებთა მთელი პროცენტიები. ამრიგად, 918 წ. დედოფალ დინარას ინიციატივით საქართველოში წარმატებით გაქალკედონიტდა ისტორიული სომხეთის კამბეჩოვანის (იგულისხმება: კახეთის — ბ. ა.) პროცენტიის სომქი მოსახლეობა“. იქვე უმატებს: „დინარა დედოფალმა ჰერეთი მოაქცია მართლმადიდებლურ აღმსარებლობაზე“ (გვ. 419). იმოწმებს ლ. მელქისეთ-ბეგის ნაშრომს „ქართული წყაროები სომხეთის და სომხების შესახებ“ (1955, ტ. III, გვ. 67. სომხ. ენაზე). მართალია, ჰერეთის მოსახლეობა გარკვეული ხანით იყო მონოფიზიტური, თუმცა არა მთლიანად, ეს მხარე თავიდანვე იყო დიოციზიტური აღმსარებლობის მოსახლეობით დასახლებული.<sup>34</sup> კამბეჩოვანს სომქი ლტოლვილები თავს ჰერიოლულად თუ აფარებდნენ, ისინი თავიანთი მონოფიზიტური სარწმუნოებით ვერავითარ ზეგავლენას ვერ ახდენდნენ ადგილობრივ ქალკედონიტ ქართულ მოსახლეობაზე. პირიქით კი ხდებოდა.

რასაკირველია, ქართველთა, ანუ დიოციზიტური აღმსარებლობის გავრცელებას სომხეთში, გარკვეული წინააღმდევობა შეხვდა. მაგალითად, სომხეთის კათალიკოსი პეტროს გეტადარი ყოველნაირად ცდილობდა სომხების დარწმუნებას, რომ დიოციზიტური სარწმუნოება არ შეიღოთ. ამ ისტორიულ მოვლენას, მისთვის ჩვეული ტენდენციურობით, შექმნა ს. კარაპეტიანი. ცენტრალურ და განსაკუთრებით ჩრდილო სომხეთში გავრცელდა ქალკედონიზმი. ქალკედონიტებმა თავი მოიყარეს სომხურ-ქალკედონური ვანქების და ეკლესიების ირგვლივ, — წერს იგი, — და ამ ეკლესიების გარკვეული ნაწილი ბიზანტიურ წესზე გადააკეთეს (ქართულ ეკლესიას შეგნებულად არ უწოდებს ქართულს — ბ. ა.), როგორიცაა „ქართული ეკლესია“ ანში. ის იყო სომხური მონოფიზიტური ეკლესია, მაგრამ დიოციზიტებმა გადააკეთეს ქალკედონურ წესზე, ისე როგორც ახლადაშენებული ეკლესიების გარკვეული ხაწილი (ამ ხაწილს რატომდაც არ ასახელებს).

ცნობილი სომხური ქალკედონური ვანქები და ეკლესიები ძირითადად აგებულ იქნა აღრეულ ხანაში. მათ ჰქონდათ დამახასიათებელი იერსახე. მაგ.: ჰღნძაპანქი, ჰუჯაბი, ქობაირი, პნევანქი და სხვ. განსაკუთრებით აღსანიშნავია XII-XIII სს. აშენებული ახალი ვანქები და ეკლესიები — კირანცეცი და სრველისვანქი აღსტევის დაბლობში, ოუარუიქის ვანქი, ეღვგამორის ეკლესია — ბასიანში (სოფ. ჩანგლი) და სხვ.

რამდენად ობიექტურია ს. კარაპეტიანი ამ ჩამონათვალში, ეს ჩანს იმითაც, რომ ქართული ხუროთმოძღვრების შესახიშნავი ძეგლები — ახტალა (XIII) და ჰუჯაბი (XIII) სომხურ ქალკედონურ ტაძრებად გამო-

აცხადა. იგი სომხურ ქალკედონურ ტაძრებად თვლის, აგრეთვე, სამხრეთ დასავლეთ საქართველოს ქართულ საკულტო ძეგლებს და წერს: „ამავე X ს-ში ბიზანტიის პოლიტიკური და სახელმწიფო იღობრივი ბატონობის შედეგად ქალკედონური გახდა აგრეთვე ტაიქის სომქი ბაგრატუნის სამთავრო (პირიქით — ქართველი ბაგრატიონების პირვანდელი სამკვიდრო — ბ. ა.)... აღსანიშნავია, როგორც წინა საუკუნეებში, ისე X ს-ში გაქალკედონებულმა სომქიმა მცხოვრებლებმა ხუროთმოძღვრებაში დიდებულად გადმოსცეს თავიანთი სარწმუნოების იდეოლოგია და შექმნეს არქიტექტურის ისეთი შედევრები, როგორიც არის — ბანაკი, იშხანი, ოშკის ტაძრები ტაიქში. ეს ხანა სომხური არქიტექტურის მეორე ოქროს საუკუნედ არის მიჩნეული. შემონახულმა ისტორიული ძეგლების კვლევა-ძიებამ დაადასტურა, რომ ასეთივე მდგომარეობა იყო X-XI სს. გუგარჯის დასავლეთ და ცენტრალურ პროვინციებში (არტაანი, თრევექ (თრიალეთი — ბ. ა.), კლარჯე (კლარჯეთი), შავშეთი, ჯავახევი), სადაც სომხები ცხოვრობდნენ“.

ვიდრე ს. კარაპეტიანის მიერ ქართული ტაძრების სომხურად გამოცხადების უსაფუძვლო მტკიცებას განვიხილავდეთ, გვსურს, ჯერ ტაოკლარჯეთის, შავშეთის და საერთოდ სამხრეთ-დასავლეთ საქართველოს ტერიტორიის კუთვნილების საკითხს მოკლედ შევეხოთ. იგი თავგამოდებით ამტკიცებს ამ მხარის ოდითგან სომხურობას, თუმცა სტრაბონის ცნობით, სომხურმა ტომებმა — ლერჯანი და კარინი (ამჟამად ერზერუმი) შხოლოდ ძველი წელთაღრიცხვის 189 წლის შემდეგ დაიჭირეს. ამის შემდეგ საქართველოს და სომხეთს შორის საზღვარი არაქსზე გადიოდა (აპოლოდორი). ტიგრან II-ის დროს, ჩ. წ. აღ-მდე I საუკუნის სამოცდაათიან წლებში, სომხეთის საზღვრების შემდგომი გაფართოება ხდება. უნდა ვითიქროთ, მაშინ იქნა დაკავებული პროვინცია სპერი. ტაო კი კვლავ დარჩა საქართველოს ფარგლებში. სომხური ტერიტორიების დაწვრილებით ჩამოთვლისას, სტრაბონი (ახალი ერის I ს-ის დასაწყისი) მათ შორის არსად და არანაირად არ მოიხსენიებს ტაოს. კიდევ არაერთი უცხოური წყაროს მოტანა შეიძლება, მაგრამ ეს ვიგმაროთ, რადგან პატიოსანი და ობიექტური მეცნიერისთვის ისედაც ცხადია ამ მხარის ოდითგან ქართულობა, რომელსაც თვით სომხური წყაროები მოწმობენ. მაგ., ღვვონდი (VII ს.) პირდაპირ წერს, რომ კოლა საქართველოს ფარგლებში იყო. იგთვე ისტორიკოსი სამცხეს ქართულ ტერიტორიას უწოდებს. ისეთი ტენდენციური ისტორიკოსიც კი, როგორიც მოვსეს ხორენაცია (V ს.), კლარჯეთის საქართველოს ტერიტორიად თვლის და ა. შ.

ახლა ვნახოთ, ამ ქართულ ტერიტორიაზე ვინ ცხოვრობდნენ ძველთაგანვე. ერევნის მიერ მოსყიდული, პროფ. ნ. ტოკარსკის მიხედვით: „ტაოკლარჯეთში მოსახლეობის ძირითად მასას შეადგენდნენ სომხები, რომლებიც აქ ქალკედონობის ოდინდელი მიმდევრები იყვნენ. მათ ქართველ ახალმოსახლეთა გვერდიგვერდ ცხოვრებისას, რომლებიც არაბთაგან და

ეპიდემიებისგან გაჩანაგებულ მხარეში IX ს-ში გამოჩნდნენ, ნელ-ნელა  
დაიწყეს დენაციონალიზაცია“.<sup>35</sup> იგი უფრო შორს წავიდა და ტაო-კლარ-  
ჯეთის ქართული არქიტექტურის ძეგლები სომხურად გამოკვეთად. მას  
მეცნიერულად გამანადგურებელი პასუხი გასცა აკად. ს. ჯანაშიამ. თუმცა  
რა, ახლა მის უნიადაგო „თეორიას“ გამგრძელებელი გამოუჩნდა ს. კარა-  
პეტრიანის სახით, რომელიც შეეცადა, დიდი ხნის წინ უარყოფილი „თეო-  
რიის“ რეანიმაციას. აქ ისევ აკად. ს. ჯანაშიას მოვიშველიებთ, რომელიც  
წერდა: „რანაირად მოხდა, რომ მოსახლეობის „ძირითადი“ და „ძირძველი  
მასა“, რომელიც თანაც მრავალი ძაფით იყო საკუთრივ სომხეთთან დაკა-  
ვშირებული, იძლენად დაემორჩილა რიცხობრივად მცირე ქართველ ახალ-  
მოსახლეთა გავლენას, რომ სულაც გაქართველდა? ტაო-კლარჯეთელმა  
სომხებმა რაღა მაინცდამაინც ქართული გავლენა განიცადეს? ბერძნულ  
აღმოსავლური მართლმადიდებლობა, ან სხვა სიტყვებით, ქალკედონობა,  
რომელიც ტოკარსკის (მისი მიხედვით კარაპეტიანიც ასე ფიქრობს — ბ.  
ა.) აზრით, იყო ერთადერთი დამაკავშირებელი რეოლი ტაო-კლარჯეთელ  
სომხებსა და ქართველებს შორის, ხომ უფრო მეტწილად აერთიანებდა ამ  
სომხებს ბიზანტიელ ბერძნებთან, რატომ მოხდა ამ სომხების ასიმილაცია  
მაინცდამაინც ქართველებთან და არა ბერძნებთან?..., მაგრამ სიმართლე  
ისაა, რომ მოსახლეობის ძირითადი მკვიდრი მასა ტაო-კლარჯეთის ტერი-  
ტორიაზე ოდითგან ქართული იყო — ენით, კულტურით და სარწმუნოებით  
(დიოფიზიტობა), ხოლო სომხები, თუკი ისინი სადმე იყვნენ, წარმოად-  
გენდნენ სწორედ ახალმოსახლეებს. სომხების მცირე ახალმოსახლეთა არ-  
სებობა შეიძლება დავუშვათ უმთავრესად სპერის, ბასიანისა და სამხრეთ  
ტაოსთვის“.<sup>36</sup> ქართველ მეცნიერს ეს დასკვნა გამოტანილი აქვს ბიზან-  
ტიური, ქართული და სომხური წყაროების სკრუპულოზური ანალიზის  
შედეგად და არა კარაპეტიანისებურად ჰაიკარად.

ს. კარაპეტიანი ზემოთ მოტანილ ამონარიდში ტაოს ქართულ საკულტო ძეგლებს — ბანა, ოშკი, იშხანი და სხვ. — „სომხური ოქროსდარ არქიტექტურის ძეგლებს“ უწოდებს: თურმე „სომქმა მცხოვრებლებმა ამ ხუროთმოძღვრებაში დიდებულად გადმოსცეს თავიანთი სარწმუნოება (ე. ი. მონოფიზიტობა — ბ. ა.)“. იგი არც ამას არ დასჯერდა და თავგამოდებით გვარწმუნებს, ასეთივე მდგომარეობა იყო „გუვარქის დასავლეთ და ცენტრალურ პროვინციებში (არტაანი, თრელქ (თრიალეთი — ბ. ა.), კლარჯქ, შავშეთი, ჯავახქ), სადაც კი სომხები (ცხოვრობდნენ)“-ო.

ასეთი ზღვარგადასული სიცროე ქართველთმოძღვლე ხელოვნებათმ-ცოდნე პროფ. ტ. მარუთიანსაც კი არ დაუწერია, რომელმაც სპეციალუ-რად ვრცელი მონოგრაფია მიუძღვინა ტაო-კლარჯეთის ხუროთმოძღვრუ-

<sup>35</sup> Н. Токарский, «Архитектура древней Армении», Երշաբի, 1946, ձ. 200-204.

<sup>36</sup> ს. ჯავაშია, ისტორიული სიმართლის დამახინჯების ერთი მაგალითის შესახებ, თბილისი, 2003, გვ. 17-18.

ბას („სიღრმითა სომხეთი“ 1978, სომხ. ენაზე).<sup>37</sup> საინტერესოა, როგორ არის გადმოცემული „სომხური მონოფიზიტური“ სარწმუნოება ოშკის ან ბანას ქართულ არქიტექტურულ ანსამბლში. ამის შესახებ არავითარი მტკიცებულება არ მოაქვს და ისე, მისთვის ჩვეული ზეპირი განცხადებით კმაყოფილდება. თუმცა, რა უნდა მოსთხოვო კარაპეტიანს, როცა ქართული საეპისკოპოსოს საკათედრო ტაძარი კუმურდო (X) სომხურად გამოაცხადა და მისი აშენების ინიციატორი ქართველი იოანე ეპისკოპოსი სომებს ჰოვჰანესად „მონათლა“, ხოლო კუმურდო წმ. ჰამბარძმულის სახელობის ტაძრად აქცია.<sup>38</sup>

ვინაოდან კარაპეტიანი სუბიექტურია ტაო-კლარჯეთის მოსახლეობის ვინაობისა და აქ არსებული არქიტექტურული ძეგლების კუთვნილების კვლევის საკითხში, დასკვნაც შესაბამისად ტენდენციური გამოაქვს და წერს: „ბუნებრივია, X-XIII საუკუნეებში სომხი ქალკედონიტების სამწერლო და ოფიციალური ენა იყო ქართული. ამას მოწმობს მრავალრიცხოვანი ქართული ეპიგრაფია“.

აკად. ს. ჯანაშიამ ეჭვმიუტანლად დაამტკიცა, რომ ტაო-კლარჯეთის მოსახლეობა ოდითგანვე იყო ეროვნებით ქართული, რელიგიური აღმსარებლობით კი — დიოფიზიტური. ამიტომ, საუბარი მათ წინანდელ არაქართველობასა და მონოფიზიტობაზე ფაქტებზე ძალდატანებაა და მეტი არაფერი. ამის გაგება არ უნდათ კარაპეტიანის შეგავს გამეცნიერებს. მაგრამ რას იზამ, ადამიანმა შეიძლება რიყეზე გაიაროს და ლოდიც ვერ შენიშნოს.

შემდეგ კარაპეტიანი წერს: „XV ს-ში ბიზანტიის იმპერიამ საქართველო დაყო რამდენიმე წვრილ სამთავროდ (საინტერესოა, ბიზანტიამ როგორ დაყო საქართველო წვრილ სამთავროებად, როცა ამ დროს ბიზანტიის იმპერია დაშლის პირზე იყო. 1453 წელს კი კონსტანტინეპოლიც დაეცა — ბ.ა.). ამ ცალკეულ სამთავროებზე საგრძნობლად შესუსტდა ბიზანტიური წესის (ე. ი. ქართული ეკლესიის — ბ. ა.) პოზიციები და ამიტომ სომები მოსახლეობის ქალკედონური ნაწილი დაუბრუნდა მონოფიზიტობას. საგრძნობმა ნაწილმა კი ვერ გაუძლო თურქ დამპყრობთა სასტიკ დევნაშევიწროვებას და გამაპმადიანდა“ (გვ. 421. — აქ იგულისხმება მესხეთიაგანეთი — ბ. ა.).

არგუმენტაციის გარეშე მსჯელობა კარაპერტიანისთვის უცხო არ არის, მაგრამ სომ აქვს ყველაფერს რაღაც საზღვარი. მართალია, XV ს-დან დაიწყო მესხეთ-ჯვარეთის ქართული მკვიდრი მოსახლეობის გამაპმადიანება თურქ დამპყრობთა მიერ, მაგრამ ქართველ დიოფიზიტთა მიერ მონოფიზიტობაზე გადასვლა თვითგადარჩნის საშუალება იყო. საქმე

<sup>37</sup> იხ. ჩვენი რეცენზია — „ქვანი ეკლავ დალადებზე“ // ქ. მნათობი“, 1998, №7-8. ეს რეცენზია შესულია ამავე სახელწოდების ჩვენი შრომების ქრებულში, 2004, თბ., გვ. 3-46.

<sup>38</sup> იხ. ჩვენი რეცენზია — „არც ვრეა თაყაო...“ // ქ. „ჩვენი შეტერლობა“, 2011, №8.

ისაა, რომ სომხებმა თურქეთის სულთანისგან მიიღეს ხელშეუხებლობის ფირმანი. ამ ფირმანის ძალით მონოფიზიტების, ე. ი. სომხების გამაპმადი-ანება იკრძალებოდა. უკიდურეს მდგომარეობაში ჩაგარდნილ ქართველებს გამაპმადიანებას ისევ მონოფიზიტობაზე გადასვლა ერჩიათ. ამით ისარგე-ბლეს სომებმა სასულიერო პირებმა და მათ ქართული გევარები სომხურით შეუცვალეს.<sup>39</sup>

მაგრამ ეს არ ნიშნავს იმას, რომ ამ პროზელიტი სომხების შექმ-ნილია ჯავახეთის სულიერი და მატერიალური ძეგლები, როგორც ეს ს. კარაპეტიანს სურს წარმოაჩინოს. ჯავახეთის უძველესი და მდიდარი კულტურა შექმნილია მკვიდრი, ოდითგან ქალკედონიტი ქართველების მიერ. ამაზე მეტყველებს, როგორც არქეოლოგიური მასალა, ისე ლიტ-ერატურული ძეგლები, აგიოგრაფია და ა. შ. ეს ყველაფერი ეკლად ესობა გულზე კარაპეტიანს და ვერაფრით მოუნელებია. მაგრამ რაც განვიხი-ლეთ, იყო წინაპირობა იმისა, რომ მას განეცხადებინა შემდეგი: „დღეს, 607 წლიდან ქალკედონიზმზე მოქცეული საქართველოს ბიზანტიური წე-სის ეკლესია, თანმიმდევრულად იცავს თავის უფლებას და „ქართულად“ აცხადებს X-XIII საუკუნეებში სომქ ქალკედონიტთა მიერ აგებულ ვან-ქებს და ეკლესიებს... მოითხოვს მათ ქართულ იურისდიქციაში მოქცევას“ (გვ. 421). როგორც ვხედავთ, მას ქართული მხარის ეს მოთხოვნა უსაფუძვ-ლოდ და არასამართლიანად მიაჩინა. ისე კი, კარაპეტიანს მისდაუნებურად წამოსცდა სიმართლე, როცა დწერა: „სარწმუნოებრივი თვალსაზრისით, სომქი ქალკედონიტების საკულტო ძეგლები შეიძლება მივიჩინოთ ქართუ-ლად“. მისი ჭკუით ქართული საპატრიარქოს იმ მოთხოვნაში წინააღმდე-გობა „აღმოაჩინა“ და გახარებული შენიშნავს, ქართული მხარე მოითხოვს სომხურ-ქალკედონურ საკულტო ძეგლებს — ახტალას, ქობაისის, ჰევან-ქს, თევარიუქს და სხვებს და იქვე სვამს კითხვას: „საინტერესოა, რატომ ერთნაირი პრინციპით არ უდგება ამავე სომხურ ქალკედონიტურ ძეგლებს, როგორ გავიგოთ ის, რომ მათ თვალწინაა ქართული ეკლესია, მაგრამ მას „არ მოითხოვენ“? მაგალითად, ზგართხოცი და არუჭი. ამის მიზეზი ნუთუ ის არის, რომ ამ ტაძრებზე (ზგართხოცი და არუჭი — ბ. ა.) ქართული ეპიგრაფიკა არ არის?.. ეს კი უსათუოდ ასეა!“ ამ ლოგიკას თუ გავყვებით, განაგრძობას: „არცახის (ყარაბაღი — ბ. ა.) ხახენის სოფლის ღვთისშობ-ლის ეკლესიის სააღმშენებლო წარწერა არის რუსული, მაშინ გამოდის, იგი რუსეთის ორთოლოქსულ ეკლესიას უნდა გადაეცეს? მარსელის სომხ-ური ეკლესიის სააღმშენებლო წარწერა არის ფრანგულ ენაზე, ამიტომ საფრანგეთის კათოლიკურმა ეკლესიამ უნდა მოითხოვოს მისი გადაცემა? სინგაპურის სომხურ ეკლესიაზე ინგლისურ ენაზეა ქტიტორული წარწერა შესრულებული და ა. შ. ასეთები რამდენიც გინდა, იმდენია...“ (გვ. 422).

<sup>39</sup> მიტროპოლიტი ანანია ჯაფარიძე, ქართველთა დენაციონალიზაცია XVII-XX საუკუნე-ბში, თბ., 2010, გვ. 202-247.

ს. კარაპეტიანს თუ მართლა ჰგონია, საქართველოს საპატრიარქო აღნიშნულ ეკლესიებს შხოლოდ მათზე არსებული ქართული სააღმშნებლო წარწერების გამო მოითხოვს გადაცემას, ძალიან ცდება. ქართული ეპიგრაფიკის გარეშეც ეს ეკლესიები ქალკედონიტურია და ქართულ მხარეს უფლება აქვს მათი იურისდიქციაში მოქცევა მოითხოვოს. ამ საკულტო ძეგლების ქალკედონიტურობა მეცნიერულად არის დამტკიცებული, როგორც ქართულ ისე სომხურ ხელოვნებათმცოდნეობაში და ამაში ეჭვი არავის ეპარქება. თუ ეჯმიაწინს აქვს უფლება, საქართველოში არსებული რამდენიმე გრიგორიანული ეკლესიის გადაცემა მოითხოვოს, საქართველოს საპატრიარქოს რატომ არ შეუძლია, სომხეთში არსებული ქალკედონიტურ ეკლესიებზე პრეტენზია განაცხადოს?.. რაც შეებება ზვართნოცის და არუჭის ტაძრების ქართული მხარესათვის გადაცემას, ამ საკითხს შემდგომ ეტაპზე მართლაც დააყენებს ქართული მხარე...“

ამ ე. წ. ნაშრომს კარაპეტიანი ასე ამთავრებს: „სამწუხაროა, რომ ქართული ეკლესიის პასუხისმგებელი პირები ასეთ უპასუხისმგებლო და აბსურდულ „მოთხოვნებს“ აყენებენ. სინამდვილეში ეს არის უსუსური მცდელობა, რომ სომხურ სამოციქულო ეკლესიის ქართულ თუმს არ გადაეცეს რამდენიმე სომხური ეკლესია. სომხური მხარის ამ სამართლიანი მოთხოვნის შესრულება უკვე რამდენი ხანია ჭიანურდება“ (გვ. 422).

ს. კარაპეტიანს არ აქვს მორალური უფლება პასუხისმგებლობაზე ილაპარაკოს, რადგან თვითონ აკეთებს უპასუხისმგებლო და შეურაცხ-მყოფელ განცხადებებს. მან ქართველ ხალხს — ცივილიზაციის დამანგრეველი ერი უწოდა, საქართველოს კათოლიკოს-პატრიარქი აუგად მოიხსენია, საქართველოში 653 სომხური ეკლესია „აღმოაჩინა“. აქედან სულ ცოტა ოთხმოცი პროცენტი მაინც, არც აცივა, არც აცხელა, და სომხურად გაიტანა... ყოველივე ამის შემდეგ ყოფნის თავხედობა და აქეთ გვედავება; რას იზამ, ქაღალდი კველაფერს იტანს...“

კრებული „სომხეთის ჩრდილოეთის კარიბჭე: ჯავახქ, ლორი“ მართლაც თვალსაჩინო ნიმუშია იმისა, როგორ არ უხდა იწერებოდეს საქართველო-სომხეთის ურთიერთობის მრავალსაუკუნოვანი ისტორია, რადგან მასში შესულ ნაშრომთა უმრავლესობა ამ ისტორიას ან ტენდენციურად აშუქებს, ან სულაც გაყალბებულად წარმოადგენს.